

佛說孝經抄亦云孝經

改十

吳月支優婆塞支謙譯

聞如是一時佛在舍衛國太子名祇有園田八十頃去城不遠其地平正多衆果樹處處有流泉浴池其中潔淨無有蚊蜂蚊蠅蚤居士須達身奉事佛持五戒不殺不盜不淫

不欺不飲酒見諦溝港常好布施賑救貧窮人呼爲給孤獨氏須達欲爲佛起精舍周遍行地唯祇園好因從請買太子祇言能以黃金布地令間無空者便持相與須達曰諾聽隨價數祇曰我戲言耳訟之紛紛國老諫曰已許價決不宜復悔遂聽與之須達默念何藏金足祇謂其悔嫌貴自止曰不貴也自念當出何藏金耳即時使人象負金出隨集布地須臾滿四十頃祇感念佛必有大道故使斯人輕寶乃爾祇曰教齊是止勿復出金園地屬卿我自欲以樹木獻佛因相可適便立精舍已各上佛佛與千二百五十沙門俱止

其中是故名曰祇樹給孤獨園也

其王名卑先匿舉宮中及人民皆共事佛奉諸沙門衣食牀卧疾藥所宜世無佛時諸異道皆興譬如昏夜炬燭爲明天下有佛衆邪異道人異道衆邪是時皆廢諸異道人乃共嫉妬謀欲毀佛以望敬事其女弟子名孫陀利曰師莫愁也我能令人不復敬佛事師如故便從今始欲日日粧梳衣服往詣佛諸沙門所至一月後可默殺我埋祇樹間佯行求索衆人當言數見此女往來精舍即詣王告乞吏搜索啼哭出屍道其姪亂無戒行意國人聞是必當捨佛來事諸師諸師曰善女如其言往來一月師使四人共殺埋之分布求已詣闕告言生亡一女衆人悉見日日往來諸沙門所乞吏搜求王即勅外部吏與共按行諸師乃佯徘徊再三過出屍與載遍行啼哭曰沙門之法戒當清淨反姪人婦恐事發

覺殺而藏之有何道哉國人聞此多有信者  
唯得道人知詐偽耳

佛於是乃勅諸沙門且勿入城七日之後事  
情當露至八日旦佛使阿難至巷說曰妄語  
讒人天令口臭詐誣清白死入地獄癡虐自  
怨長夜受苦國人聞是語皆相謂曰沙門必

改十

二

清淨故佛說此耳王使人微密伺之見異道  
家竊相勞賀共賜四人異道人法知經多者  
得分多一人頑闇得分獨少怒曰當反汝事  
自共殺人而詐誣佛反與我少伺人得之牽  
將上問到以實對即收謀者王與羣臣俱出  
詣佛給孤獨氏諸清信士及國人民無數皆  
行詣佛到作禮畢各一面坐王叉手曰聞  
此謗莫不惘然唯佛至真清淨無量不識其  
故何緣有此  
佛告王曰誹謗之生皆由貪嫉而此久矣非  
適今也王曰願欲聞之佛言宿命無數世時  
我為菩薩道常行慈心欲度脫萬姓時有蒲

隣柰國廣博嚴好人民熾盛中有梵志姓瞿  
曇氏才明高遠國中第一有三子其小子者  
端正無比父甚奇之為設大會請諸道人中  
外親戚抱兒示之眾師相視曰是兒好道有  
聖人相必為國師因名為李李幼好學才藝  
過人悉通眾經及天下道術九十六種死生

所趣山崩地動災異禍福醫方鎮厭無所不  
知能却姪心消伏蠱道武略備有而性慈  
瞿曇歿後二兄嫉之數求分異曰李幼好學  
事師消費與分當少母憐念之數曉二子二  
子不止李見兄意盛自念人生皆為貪苦所  
逼我不去者兄終不息因自報母求行學道

改十

三

母便聽之李即去追就明師作沙門便於山  
中自得四意一慈眾生如母愛子二悲世間  
欲令解脫三解道意心常歡喜四為能護一  
切不犯復得四意諸佛所譽一制貪姪二除  
恚怒三去癡念四得樂不喜逢苦不憂又絕  
五欲目不貪色耳不貪聲鼻不貪香舌不貪

味身不貪細滑能以智慧方便之道順化天下使行十善孝順父母敬事師長諸疑惑者令信道德知死有生作善獲福為惡受殃行道得道見憂厄者為解免之疾病者為施醫藥用李教者死皆上天其有郡國縣邑水旱災異李至即平毒害悉除

時有大國安樂饒人王名藍達所任四臣專行邪諂姪盜姦欺侵奪無厭民被其毒王不覺知李愍傷之往到城外從道人沙陀寄止七日乃入城欲乞食王於觀上見李年少儀容端正行步有異心甚愛敬即出問訊王曰願道人留住我有精舍近在城外可於中止當給所須李曰諾王喜曰意欲相屈明日已去日於宮食李曰善王還向夫人說李非恒人汝明日當見之夫人心喜床下有犬犬名賓祇聞之亦喜明日李來入宮王與夫人迎為作禮與施金床氍毹毼毼李欲就座犬前舐足王自行澡水敬意奉食食已而俱出到

外精舍李為王說治國正法王大歡喜因請李令與四臣共治國事四臣愚怯不習戰陣自知貪濁常恐王聞一臣曰人死神滅不復更生一臣曰貧富苦樂皆天所為一臣曰作善無福為惡無殃一臣自恃知占星宿然皆佞諂不為忠正李性聰明高才勇健仁義恭

敬信順寡言言常含笑不傷人意清淨無欲節色少事其政不煩預知災異能役鬼神却起死人愛民如子教之以道不得醜醜遊獵畋漁彈射鳥獸殺盜姪欺讒罵佞嫉諍怒妖疑皆化使善其為政後國界安寧風雨時節五穀豐熟眾官承法不復擾民李體無為獨

貴奉佛沙門四道朝暮誦習及其姊子亦賢有志常師仰李國好學者多依附之王無復憂一以委李四臣畏忌不得縱橫與嫉妬意謀欲治李共合財寶人一億所伺王出時以上夫人而自陳曰臣等至意奉家所有及身妻子當為奴婢欲白一事願蒙聽省夫人貪

得受其好寶答謝四臣曰便可說之四臣對曰王所幸孛被服鹿陋似乞人耳見任過重不念國恩日日道夫人惡教王遠房室竊念夫人宜及少壯當有立子今若失時則絕國嗣願熟思惟不除孛者恐後有悔夫人恚曰王信此人不知其惡各且還歸今自憂之比令明日不見孛也夫人遣四臣出即以梔子黃面亂頭却卧須臾王還內妓白王夫人不樂王素重之入問再三夫人不應王即怒曰何人有罪應誅戮者汝欲使我取誰那爾夫人垂泣曰王會不用我言耳王曰便說之不違汝也夫人即曰王且適出孛來謂我言今王老耄不能聽政國中吏民皆伏從我以可齒之共此樂也今反爲此乞兒所謀我故愁耳王聞是語譬若以噎既不能咽亦不得吐不用恐悔用之恐亂念孛助我已十二年常以忠正憂國除患遠近賴之此國之寶不可治也王曰若治孛者後必大亂爲萬民故且

改十

五

共忍之夫人便自擲床下舉聲哭曰不治孛者我當自刺自投樓下不能見也王復曉曰汝亦知法此非小事起共議之夫人還坐王曰道人不可刀杖加之當以漸遣之稍減其養明日來者勿復作禮擎拳而已與施木床於殿下坐炊惡廝米盛以瓦器如是慚愧極自當去王說此時賓祇不悅夫人明旦即以王教具勅內厨孛來入宮賓祇於床下嗷嗷吠之孛見狗吠夫人擎拳及所施設即知有謀自念我欲無害於人人反害我如是當避入深山耳小怨成大不可輕也彼以陰謀我宜慎之凡人身羸行正爲強今我自有食鉢水瓶革屣繖蓋鹿皮之囊斯足用矣孛食已攝物欲去王驚起曰是何疾也顧謂夫人乃使我失聖人之意即前牽孛問欲何之孛答曰爲王治國十二年矣未曾見賓祇嗷嗷如今日也是必有謀故欲去耳王曰實有今見孛意覺微甚明願自勸勵當誅惡人不須去

也。李曰：王前意厚而今已薄，及我無過，宜以時去。夫盛有衰，合會有離，善惡無常，禍福自追。結友不固，不可與親親而不節，久必嫌。嬾如取泉水，掘深則濁，近賢成智，習愚益惑。數見生慢，疎則成怨。善交接者往來以時，親而有敬，久而益厚。不善交者假求不副，巧言利

辭苟合，無信接我，以禮當以敬，報待我以慢，當即遠避。有相親愛，迴相憎者，愛時可附，憎不可近。敬以親，善戒以遠。惡善惡無別，非安身之道。人無過失，不可妄侵。惡人事已不可納。前人欲疎，已不可強親。恩愛已離，不可追思。鳥宿枝折，知更求栖，去就有宜，何必守常。

朽枝不可攀，亂意不可犯。人欲相憊，相見不懽，唱而不和，可知為薄。人欲相善，緩急則赴，言以忠告，可知為厚。善者不親，惡者不疎，先敬後慢，賢愚不別，不去何待？夫人初拜，今但攀拳，若我不去，將見罵逐。初施金座，今設木床，初盛寶器，今用瓦甌，初飯粳糧，今惡廝米。

改十

六

我不去者，且飯委地，知識相過，主人視之一宿，如金再宿，如銀三宿，如銅證現，如此不去，何待？

王曰：國豐民寧，李之力也。今棄去者，後將荒壞。李曰：天下有四自壞，樹繁華果，還折其枝，虺蛇含毒，反賊其體，輔相不賢，害及國家，人為不善，死入地獄，是為四自壞。經曰：

惡從心生，友以自賊，如鐵生垢，消毀其形。王曰：國無良輔，實須恃李，若欲相委，是必危殆。李曰：凡人有四自危，保任他家，為人證佐，媒嫁人妻，聽用邪言，是為四自危。經曰：

愚人作行，為身招患，快心放意，後致重殃。

王曰：我師友，李常在不輕當，原不及莫相捐。去李曰：友有四品，不可不知。有友如華，有友如秤，有友如山，有友如地。何謂如華？好時插頭，萎時捐之。見富貴則附，貧賤則棄，是華友也。何謂如秤？物重頭低，物輕則仰，有與則敬，無與則慢，是秤友也。何謂如山？譬如金山，鳥

獸集之毛羽蒙光貴能榮人富樂同歡是山  
友也何謂如地百穀財寶一切仰之施給養  
護恩厚不薄是地友也王曰今我自知志思  
淺薄聽用邪言使李去也李曰明者有四不  
用邪偽之友佞諂之臣妖孽之妻不孝之子  
是為四不用經曰

改十

七

邪友壞人佞臣亂朝 孽婦破家 惡子危親  
王曰相與愛厚宜念舊好不可孤棄也李曰  
有十事知愛厚遠別不忘相見喜歡美味相  
呼過言忍之聞善加歡見惡忠諫難為能為  
不相傳私急事為解貧賤不棄是為十愛厚  
經曰

化惡從善 切磋以法 忠正誨勵 義合有道  
王曰四臣之惡乃使李恚不復喜我李曰有  
八事知不相喜相見色變眄斜視與語不  
應說是言非聞衰快之間盛不喜毀人之善  
成人之惡是為八事經曰  
卒鬪殺人 尚有可原 懷毒陰謀 是意難親

王曰是我頑弊不別明闇惡人所誤遂失聖  
意李曰有十事知人為明別賢愚異貴賤知  
貧富適難易明廢立審所任入國知俗窮知  
所歸博聞多識達於宿命是為十事經曰  
緩急別友 戰鬪見勇 論議知明 穀貴識仁  
王曰自我得李中外恬安今日相捨永無所  
恃李曰有八事可以恬安得父財有善業所  
學成友賢善婦貞良子孝慈奴婢順能遠惡  
是為八事經曰  
生而有財 得友賢快 諸惡無犯 有福尤快  
王曰聖人之言誠無不快李曰有八事快與  
賢從事得諂聖人性體仁和事業日新念能  
自禁慮能防患道法相親友不相欺是為八  
事經曰  
有佛興快 演經道快 衆聚和快 和則常安  
王曰李常易諫今何難留李曰有十不諫慳  
貪好色蒙寵急暴抵突疲極憍恣喜鬪專愚  
小人是為十經曰

法語專愚 如與聾談 難化之人 不可諫曉  
王曰如我憍恣不能遠色 李得無為不復與  
我語乎 李曰人不與語有十事 傲慢 惰鈍 憂  
怖 喜豫 羞慚 吃訥 仇恨 凍餓 事務 禪思 是為  
十經曰

能行說之可 不能勿空語 虛偽無誠信

改十

明哲所不顧

王曰惡婦美姿巧於詞令 如有外姪卒何用  
知李曰有十事可卒 知頭亂髻 傾色變流汗  
高聲言笑 視瞻不端 受彼寶飾 關看垣墻 坐  
不安所 數至隣里 好出野遊 喜通姪女 是為  
十經曰

婦女難信 利口惑人 是以高士 遠而不親  
王曰人情所近 親信婦人 不知其惡

李曰人有十事不可親信 主君所厚 婦人所  
親 怙身強健 恃有財產 大水漬處 故屋危牆  
蛟龍所居 辜較縣官 宿惡之人 毒害之蟲 是  
為十經曰

謂酒不醉 謂醉不亂 君厚婦愛 皆難保信  
王曰如李所語 愛習生惡 是可嫉也 李曰可  
嫉有五 鹿口傷人 讒賊喜聞 譙不媚 嫉妬  
呪詛 兩舌面欺 是為五經曰

施勞於人 而欲蒙祐 殃及其軀 自構廣怨

王曰何等 施行人所愛敬 李曰愛敬有五 柔

和能忍 謹而有信 敏如少口 言行相副 交久

益厚 是為五經曰

知愛身者 慎護所守 志尚高遠 學正不昧

王曰何者 為人所慢 李曰見慢有五 鬚長而慢

衣服不淨 空無志思 姪態無禮 調戲不節 是

為五經曰

改十

攝意從正 如馬調御 無憍慢習 天人所敬

王曰願李留意 共還精舍 李曰有十事不延

於堂 惡師邪友 蔑聖反論 姪洪嗜酒 隱弊長

者 無反復 子婦女不節 婢妾莊飾 是為十經曰

遠避惡人 姪荒勿友 從事賢者 以成明德

王曰李在我樂 四方無事 今日去者 國中必

嗟孝曰有八事可以安樂順事師長率民以孝謙虛上下仁和其性救危赴急恕己愛人薄賦節用赦恨念舊是為八經曰

修諸德本慮而後行唯濟人命終身安樂王曰吾常念孝豈有忘時孝曰智者有十二念鷄鳴念悔過作福早起念拜親禮尊臨事

念當備豫所止念避危害言語念當至誠見過念以忠告貧者念當哀給護有財念行布施飲食念以時節分物念以平均御衆念用恩賜軍具念時繕治是為十二念經曰

修治所務慮其備豫事業日新終不失時王曰安得大賢使留孝乎孝曰大賢有十行

學問高遠不犯經戒敬佛三寶受善不忘制欲怒癡習四等心好行恩德不擾衆生能化不義善惡不亂是為十行經曰

明人難值如不比有其所生處族姓蒙慶王曰我過重矣畜養惡人使孝志去孝曰大惡有十五好殺劫盜姪洪詐欺諂虛飾佞

譏誣善貪濁放恣酗醖妬賢毀道害聖不計死罪是為十五經曰

奸虐饕餮怨譖良人已行不正死墮惡道王曰曉孝不止使我慚愧孝曰人有十事可愧君不曉正臣子無禮受恩不報過不能改兩夫一妻未嫁懷妊習不成就人有兵仗不能戰鬪慳人觀布施奴婢不能使是為十

經曰

世儻有人能知慚愧是易誘進如策良馬王曰吾始今日知有道者為難屈也

孝曰有十二難任使專愚難怯弱御勇難仇恨共會難寡聞論議難貧窮償債難軍無師

將難事君終身難學道不信難惡望生天難生值佛時難得聞佛法難受行成就難是為十二經曰

人命難得值佛時難法難得聞能受行難王曰今與孝談益我有智孝曰略說其要人所當知四十五事修其室宅和其家內親於



九族信於朋友學從明師事必成好才高智  
遠宜皆以善富當行恩治產宜慎有財當廣  
方業子幼勿付財相善與交苟合莫信財在  
縣官當早憂出賣買交易以誠勿欺凡所投  
止必先行視所往當知貴賤入國當親善人  
客宜依勢無與強諍故富可求復素貧勿大  
望寶物莫示人匿事莫語婦為君當敬賢厚  
勇取忠信清者可治國趣事能立功教化之  
紀孝順為本師徒之宜貴和以敬師多弟子  
當務義誨為醫當有效驗術淺不宜施用病  
瘦當隨醫教飲食取節便身知識美食當共  
博戲莫吝財命抵所施假貸當手自付證佐  
從正勿枉無過諫怒以順避惡以忍人無貴  
賤性和為好道以守戒清淨為上天下大道  
無過泥洹泥洹道者無老病死飢渴寒熱不  
畏水火怨家盜賊亦無恩愛貪欲眾惡憂患  
悉滅故曰滅度王當自愛我今欲退  
王曰李欲去者寧復有異戒乎李曰譬如大

改十

上

水所盪突處雖百歲後不當於中立城郭也  
其水必復順故而來宿惡之人雖欲行善故  
不當信本心未滅或復為非不可不戒人所  
欲為譬如穿地鑿之不止必得泉水事皆有  
漸智者見微能濟其命如人健刈截流度也  
王曰前後所說我皆貫心舉國士女靡不歡  
喜舊惡低伏無敢言者王曰願聞其言儻遭  
異人何知其明李曰明者問對種種別異言  
無不善師法本正以此知之明人之性仁柔  
謹愨溫雅智博眾善所仰無有疑也觀其言  
行心口相應省其坐起動靜不妄察其出處  
被服施為可足知之與明智談宜得其意得  
其意難如把刃持毒不可不慎也王曰欲事  
明者不失其意為之奈何李曰敬而勿輕聞  
受必行明者識真體道無求知來今往古一  
歸空無人物為化少壯有老強健則衰生者  
必死富貴無常是故安當念危盛存無常善  
者加愛不善黜遠雖有仇恨不為施惡柔如

難犯弱而難勝明人如是不可慢也王曰盡心愛敬以事明智寧有福乎孛曰智者法聖以行其仁樂開愚蒙成人之智治國則以惠施爲善修道則以導人爲正國家急難則能分解進退知時無所怨尤恩廣德大不望其報事之得福終身無患王其勿疑治正之法不可失道勸民學善益國最厚王曰誰能留孛我心愁慘恍惚如在垂泣向孛懺悔解過孛曰如人不能泅不當入深水知報仇者不當豫燒親厚中諍後更相謝雖知和解善不如本無諍也善不能賞反聽讒言我如飛鳥止無常處道貴清虛不宜人間如野火行傍樹爲焦激水破船毒蟲害人與智從事不當擾也草木殊性鳥獸類分白鶴白鷓鴣白黑我與彼異無欲於世如田家翁生習山藪與之好衣爲無益也天下有樹其名反戾主自種之不得食實他人竊取果則爲出今王如是善安國者而見驅逐佞僞敗正反留食

改十

十二

祿賓客久留主人厭之我宜退矣王曰人命至重願垂憶念今欲自力事孛勝前孛曰王雖言之猶不得施夫人意惡我不宜留天下家家皆有炊食沙門所以持鉢乞者自樂除貪全戒無爲遠罪各也王曰今孛旣去莫便斷絕願時一來使我不恨孛曰如俱健者猶復相見且欲入山以修其志夫近而相念惡不如遠而相念善智者以譬喻自解請說一事譬喻如人以蜜塗刀狗得舐之以傷其舌坐貪小甜不知瘡痛四臣如是但美其口心如利刀王其戒之自今已後若有驚恐常念孛者衆畏必除孛復曰鷓鴣樂冢羣鼠糞居百鳥栖樹鶴處汙池物各有性志欲不同我好無爲如王樂國器雖鹿弊不可便棄各有所貯愚賤不肖亦不可棄各有所用王當識此我猶知人言意所趣如鳥集樹先從下枝間關趣上見實祇吠以知中外有謀意欲厭故更受新也孛曰請退即起出城

王與夫人啼泣送之人民大小莫不號怨王行具問誰可信者李曰我姊子賢善可與諮議時時共出巡行國中觀民謠俗可知消息王曰受教即與傍臣人民為李作禮於是別去李去之後四臣縱橫於外以佞辯為正夫人於內以妖蠱事王王意迷惑不復憂國奢

改十

十一

姪好樂晝夜耽荒眾官羣僚發調受取無有道理征卒市買不復雇直強者焚弱轉相抄奪互相殺傷不畏法禁良民之子掠為奴婢六親相失迸竄苟活灾異相屬王不能知風雨不時所種不收國虛民窮飢餓滿道歌謠怨聲感動鬼神人民愁怖亡去略盡號泣而行莫不思李李如鶴鷹臨眾鳥上厭伏奸人慈育民物如天帝釋李姊子道人後適他郡見國荒亂聚落毀壞人民單索還為王說大臣不正放縱劫盜掠殺無辜殘害無道人怨神怒天屢降灾遠近皆知而王不覺今不早省且無復民王乃驚

曰果如李戒我所任者如狼在羊中知民當散如奔車逸馬道人既告何以教之道人曰李去國亂皆由奸臣王宜更計國尚可復願一循行目見耳聞當知其實王即與道人私出案行國界見數十童女年皆五六十衣服弊壞呼嗟而行道人問曰諸女年大何以不

嫁答曰當使王家窮困如我使也道人曰汝言非也王者位尊憂重何能憂汝女曰不然王治不正使國飢荒夜則困於盜晝則窮於吏衣食不供誰當嫁娶我也王復前行見諸者母衣不蓋形身羸目瞑啼哭而行道人問曰皆有何憂答曰當使國王窮盲如我使也道人曰是言非也老自目瞑王有何過諸母曰我夜為盜所劫晝為吏所奪窮行採薪觸犯毒螫使我如此非王惡耶王復前行見一女人跪犖牛漣為牛所踰躅地罵曰當踰王婦如我使也道人問曰牛自踰汝王家何過答曰不然王治不政使國荒亂盜賊不禁令

我善牛見奪今為弊牛所躡非王惡耶道人  
 言汝自不能擊牛女曰不然若王家善孛自  
 當留國不亂也王復前行見鳥啄蝦蟇墓  
 罵曰當使惡王見啄如我快也道人曰汝自  
 為鳥所啄王當護汝耶答曰不望護也王無  
 恩潤政治不平祭祀廢絕天旱水竭故使我

改十

古

身鳥見啄耳蝦蟇喚曰知為政者棄一惡人  
 以成一家棄一惡家以成一鄉不知政者民  
 物失所天下怨訟道人曰百姓無罪呼嗟感  
 天神使蝦蟇降語如此王所具見宜退惡人  
 改往修來與民更始如種善地雨澤以時何  
 憂不熟王曰今當任誰道人言宜急呼孛孛

仁聖知時反國必安

王還即遣使者入山請孛言若孛不還當向  
 叩頭道我自知怨負萬民憂不能食須待孛  
 到孛素慈仁憂念十方知我國荒想必來也  
 使者受命往到孛所稽首白言大王慙慙致  
 敬無量自知罪過深重違失聖意使國荒亂

百姓窮困涕泣思孛不能飲食願垂愍念復  
 一相見也

孛哀人民故隨使者還道見死獼猴故剥取  
 其皮欲以坐諸國人聞孛來皆出界迎孛到  
 城外止故精舍王出相見作禮問訊畢一面  
 坐叉手謝孛曰空頑不及害負天民請自悔

勵幸遂原之孛曰甚善四臣過耳語孛曰知  
 等無過何不公談四臣恚曰子為沙門欲望  
 天福人皆稱善不當殺獼猴取其皮也孛曰  
 卿等自迷惑不別真偽耳是輩好惡天悉知  
 之苦樂有本不可強力為惡罪追雖久不解  
 作善福隨終不敗亡禍福在已愚謂之遠以

改十

五

我剥皮而殺獼猴難此似是卿曹默默為齋  
 不止相殺事耶言命在天謂善無益為惡無  
 殃禍福之報自然如響響應隨聲非從天墮  
 卿所作惡豈不自識雖欲誣之自然不聽此  
 非謗我為自中耳卿一人言人死神滅不復  
 生者是聖語耶從意出乎自欲為惡反言作

善無福爲惡無殃夫天之明象日月星辰列現於上誰爲之者四臣默然李復曰天地之間一由罪福人作善惡如影隨形死者棄身不云其行譬如種穀種敗於下根生莖葉實出於上作惡不斷譬如燈燭展轉然之故炷雖消火續不滅行有罪福如人夜書火滅字存魂神隨行轉生不斷卿曹意志自以爲高如人殺親可無罪乎四臣答言夫蔭其枝者不摘其葉何泥殺親而當無罪字曰然卿難我是吾取死皮汝尚誣之卿等所爲當復云何卿一人言人死神滅不復生一人言苦樂在天一人言作善無益一人言自怙知占星宿外陽爲善內陰爲姦譬如偽金其中純銅貌飾美辭心行譏賊如狼在羊中主不能覺天下惡人亦稱爲道被髮卧地道說經戒專行諂欺貪利欲得愚人信伏如兩淹塵羣妖相厭如水流溢不時入海多所傷敗唯有聖人能濟天下化惡授善莫不蒙祐若善無福

惡無殃者古聖何故造制經典授王利劍夫行有報其法自然善者受福惡者受殃天之所疾禍無久遲陰德雖隱後無不彰故國立王王政法天任賢亦能賞善罰姦各隨其行如響應聲人死神去隨行往生如車輪轉不得離地信哉罪福不可誣也人行至誠鬼神助之惡雖不覺終必受殃故當戒慎遠惡知慙若皆爲善稟氣當同不善者多或有不平或壽不壽多病少病醜陋端正貧富貴賤賢愚不均至有盲聾瘖瘂跛蹇癱殘百病皆由宿命行惡所致其受百福人所樂者則是故世善行使然積德忠正故有日月星辰有天

改十

其

王如所任不少為亂益甚譬如人摘生果  
 既亡其種食之無味王欲為治不用賢人既  
 失其民後又無福治國不正則使天下有諍  
 奪之心如人治產不勤用心則財日耗國有  
 勇武習戰陣者不足其意則弱其國為王不  
 敬道德不事高明生則賢者不歸死則神不  
 生天掠殺無辜使天下怨訟則天降灾身失  
 令名治國以法為政得忍敬長愛少孝順奉  
 善現世安吉死得上天譬如牛行其導直正  
 餘牛皆從貴賤有導率下以正遠人伏化則  
 致太平為君當明探古達今動靜知時剛柔  
 得理惠下利民布施平均如是則世世豪貴  
 後可得泥洹之道眾坐皆喜稱善無量王即  
 避座誓首言今孛所語譬如疾風吹却雲雨  
 幸本慈念垂化如前孛即起行隨王入宮四  
 臣愚癡於是見廢孛復治國恩潤滂流風雨  
 時節五穀豐熟人民歡喜四方雲集上下和  
 樂遂致太平

佛言是時孛者今我身是也姊子道人者則  
 阿難是時王藍達者今卑先匿是時夫人者  
 則好首是大賓祇者車匿是時四大臣者則  
 今四道人殺好首者是時語蝦蟇者是時羅  
 漢漚陀耶是我為菩薩世世行善勤苦積德  
 無央數劫為萬民故今自致得佛所願皆得  
 諸值我時聞經者宜各精進為善勿懈佛說  
 是已有三億人得踐道迹皆受五戒歡喜  
 受行

十七末

佛說孛經抄

改十

蚊巨儀 販震音 讒助街 誣無音 勞賀上 悵郎音 髡周音

耗上音 穢下音 穢二音 舐上音 佞奴音 醜定音 醜於音

痲斯音 徒所音 媾上音 戮下音 耄反音 噎報音 噎於音

待音 萎鳥音 妖反音 媼下音 媼下音 媼下音 媼下音 媼下音

抵底音 惜上音 吃反音 吃反音 吃反音 吃反音 吃反音

孤角音 譙上音 譙上音 譙上音 譙上音 譙上音 譙上音

二字音 譙上音 譙上音 譙上音 譙上音 譙上音 譙上音

反貸他代反勢号高反盪音濁泗似由反愨口角反黜律丑

反慘七感反激音擊鷓音鷓鷓二盧慈數音數鷓反上尺鷓反下音

休汗音汗貯知呂反誒音誒迸徒益反剝必亂反擗反力踖音句

聲音候漣音漣踰音踰躅音躅探音探剝必亂反擗反力踖音句

蹇音蹇蹇音蹇蹇音蹇蹇音蹇蹇音蹇蹇音蹇蹇音蹇蹇音蹇

### 佛說海龍王經卷第一

此号十卷

得一

西晉太康年三藏法師竺法護譯

### 行品第一

聞如是一時佛遊王舍城靈鷲山與大比丘衆俱比丘八千菩薩萬二千一切大聖十方來會衆德具足得諸揔持無所不搏辯才至真決一切疑入大神通分割慧義諸度無極濟於彼岸究暢開士定意正受諸佛咨嗟普遊珠域神足飛行降伏衆魔分別諸法知如本諦覩見一切衆生之原積累道品於世八法而無所著以大慈哀嚴身口意被無極鎧過大精進於無數劫而不厭倦爲師子吼開化外道以不退轉印如印之曉了諸佛深要法藏其名曰山光菩薩慧山菩薩大明菩薩揔持山剛菩薩山鎧王菩薩山頂菩薩山幢菩薩山王菩薩石磨王菩薩雷音菩薩雷震兩王菩薩寶兩王菩薩寶事菩薩寶英菩薩寶首菩薩寶藏菩薩寶明菩薩寶幢菩薩寶